

五臺縣志 卷之三

建置志目錄 計二十二條

城垣 縣治 內署 屬解

倉庫 行臺 學宮

演武場 敬壇附

拜奠 祭儀樂器附 壇壝 祀事

鄉飲 坊表 鋪遞 鎮集

都甲 郵典 寺觀 橋梁

村屯 古蹟古墓附 堡砦 防兵

建置志

蓋自封建變爲郡縣親民之官莫如守令一也
有壇廟社稷城郭軍備倉庫以及都屯驛館良賈
經理親民者之事也

城垣

縣城始於元魏周廻三里餘二十步東面斷崖
環南面東半斷崖樓堞西面通垣北面據崖爲
置南北西三門獨闕東門高九丈非磚也磚之
明隆慶四年知縣張紱芳始上建南北二樓外築

郭垣護圍萬歷二十四年知縣高數仞增修大垣
高三丈二尺厚二丈五尺磔口六百三十五皆砌
敵臺二十五座營房二十五座門三座悉包以磚
萬歷三十三年知縣李養才增修城樓四座門六
題石南曰大安門北曰騰波環清西恩綸門樓曰
金湯鞏固北福寧門樓曰臺山拱翠東面一樓曰
曰起鳳規制壯麗足爲一方保障後因虎河衝擊
東北城垣各數十餘丈知縣梁繼祖築之重修城
樓四座角樓四座康熙十二年知縣陳恭開開河

路買王茂德地一百一十三丈疏渠鑿石秋霖水漲則順渠東下不復侵齧城垣矣康熙二十二年冬地震城垣傾裂知縣周三進重修四面築墻城樓四間及北門甕城乾隆三十一年知縣王家正奉文領帑八千一百九十七兩零修理四面築石臺三層長六百餘丈南甕城半月照墻八十四丈北門甕城起至東北角止磚身九十丈俱高三丈二尺頂厚三尺底厚五尺內心土胎八百六十餘丈海墘通長五百四十七丈又南北河護城堤岸

五通縣志 卷三
二道計長二百五丈於乾隆三十二年閏七月工
竣堤岸外更密栽官柳以護之

縣治

縣治在城東偏其創建無所考今詳其制正中爲
大堂匾曰親民知縣夏大廷聯曰壤雖徧老少朋
友存焉何以安何以懷何以信惟公可及命則初
君民家國繫之若爲清若爲慎若爲勤必敬乃兼
堂內左有會計樓右有架閣庫東西分列六房六
房之西列收糧房東廊之後爲快壯值班房一楹

西廊之後爲皂隸值班房一楹前爲儀門內懸爾
俸爾祿民膏民脂下民易虐上天難欺匾二角門
東有守門房一楹西有禁卒房一楹東角門內爲
尉廳門西角門內爲囹圄康熙十二年知縣陳恭
修獄中房三間以示恤囚儀門外東爲鄴侯祠爲
寅賓館外爲大門匾曰五臺縣左監奉

旨優免紳衿丁糧碑記兵部裁割驛馬碑記右監白撫
院永除晉民八害碑記均分水道碑記白菜碑記
左書爲民上者不可不知此味右書爲民父母者

不可令民有此色階下申明亭二座東曰獎善西曰懲惡前爲照墻左右二坊一曰催科一曰撫字
內署

大堂後爲後堂三楹前宅門一座守門房一楹後堂東爲內署正庭房三楹東西房六楹後小庭五楹外有書房三楹茶房一楹宅東北隅有觀音堂一座今廢明景泰六年知縣張智宏治十年知縣魏濂萬歷七年知縣陳讜相繼重修規制差隘

國朝康熙六年知縣梁繼祖一槩增新又於堂西買地

建庭五楹名曰思補前亭一座名曰知風又北房
三楹南房楹三癸亥地震傾圮大半知縣周三進
捐俸興修乾隆四十年知縣郭廷贊領帑九百九
十九兩零修理於歷任養廉內三年扣還

縣屬廨

典史廨在縣治之東前門一座正廳三楹右書吏
皂隸房一楹左馬房一楹後爲二堂東書房三楹
西茶房二楹又後爲住宅正房三楹東西房六楹
倉庫

倉在縣治南東西北厰三座官廳一座大門一座
癸亥地震傾圮知縣周三進修補完備

庫在大堂東庫樓一座南北房二座

行臺

在縣治西大堂三楹東西皂隸房各二楹後爲空
堂再後則公庭三楹東書吏房三楹西廚房三楹
前爲儀門又前爲大門墻曰察院行臺今久廢

學宮

學址初在城外西南隅明正統十四年張智拓修

城垣徙建於縣西南規模雖隘而棟宇嚴肅正爲大成至聖先師殿康熙二十五年

御筆題匾曰萬世師表揭於中楹左右兩廡各六楹前戟門泮池又前櫺星門牌坊三間又前左名宦祠右鄉賢祠前爲櫺星門左右二坊東冠古今西德配天地殿後啓聖公祠殿西爲明倫堂上懸仁者以天地萬物爲一體聯云聖賢裏面求人品秦漢前頭看事功堂內左右懸科甲奉貢題名匾外翼進德修業二齋各十間前爲禮門廟東爲教諭

宅有敬一亭明萬歷間御製序歲並程子四勿箴
俱刻於亭內明倫堂後舊有尊經閣廢已久其所
藏書亦無存者康熙十二年知縣陳恭修理學宮
時訓導賈煒典史馮天梓及紳衿耆老各助勦之
頗復舊觀迨癸亥地震大成殿兩廡戟門啓聖祠
各宦祠一時盡圮知縣周三進教諭姬鐸訓導楊
荃各捐俸倡始貢生陳之美生員閻之俊張涵願
董其事工興於甲子夏至丙寅秋告竣其募勸捐
輸則舉人閻襄賁生曲爾口口之力居多明倫堂領

圯日久亦加修葺堂制漸改觀矣乾隆二十二年
教諭王兆鵬倡捐銀九百五十餘兩興修廟宇煥
然一新又儀門西爲訓導宅知縣陳恭捐建年久
傾圯爰改建於教諭宅之東乾隆四十二年知縣
王秉韜卽明倫堂建崇實書院益以墻垣窓榻添
修院落及守門房二楹厨房三楹延定襄進士劉
嗣漢爲院長其創置修脯膏火等制詳碑記載藝
文四十二年秋教諭平梓於櫺星門外加築圍墻
左右設登山觀海二門并補修啓聖祠及忠義祠

又學東有隙地瀟水名老池逼近兩學四十一年
亦契買爲學宮地

演武塲 在縣西門外

演武廳 三楹

旗臺 一座

草廩 在縣城內西北隅

墩墩

墩臺四十二座每座以二夫守之准徭銀三里一
設斥墩五里一設各附以墩

祠祀

文廟

至聖先師廟歲二祭以春秋仲月上丁日漢祀於闕里

隋始命州縣學皆以春秋仲月釋奠漢平帝時封

褒成宣尼公唐元宗封爲文宣王元成宗又加爲

大成至聖文宣王其羣弟子及從祀諸儒或封公

侯或封師保元至順間封顏回兗國復聖公會參

邱國宗聖公孔伋沂國述聖公孟軻鄒國亞聖公

廟制始於宋太祖元榜爲大成殿冕服始徽宗加

冕十二旒服九章明嘉靖九年詔號曰至聖先師
孔子改大成殿曰先師殿四配十哲俱稱子諸儒
稱先儒某氏

啓聖公歲春秋二季分官致祭與釋奠同日先

先師舉行按孔子父叔梁紇舊無祭元至順間封

齊國公明嘉靖九年議以齊國公無祭爲闕典又

顏子曾子坐堂上顏子父路曾子父點在廡下及

孔鯉激公宜亦無祭乃推所生之義定啓聖公祠

祭以顏路曾點孔鯉激公宜配程珦朱松蔡元定

從配萬歷三十四年部議進周敦頤父周輔成從

位程响上

十哲東祀閔子損冉子雍端木子賜仲子山卜子

商西祀冉子耕宰子予冉子求言子偃顓孫子師

皆稱先賢某子

東廡祀澹臺子滅明原子憲南宮子恂商子瞿漆

離子閑司馬子耕有子若巫馬子施顏子辛曹子

公孫子寵秦子商顏子高壤子赤石子作蜀

公子夏首后子處奚子容顏子祖句子井秦

子融縣子成公祖子句茲燕子攸樂子欬狄子黑

孔子忠公西子藏顏子之僕施子之常秦子非申

子根顏子魯先儒穀梁子赤高堂子生毛子萇后

子蒼杜子子春韓子愈程子灝邵子雍司馬子光

胡子安國楊子時張子杅陸子九淵許子衡

西廡祀先賢宓子不齊公冶子長公皙子哀高子

樂樊子須公西子赤梁子鯨冉子肅伯子虔冉子

季漆雕子徒父漆雕子後商子澤任子不齊公子

良蕭公子肩定鄒子單罕父子黑罕樂子旂左

子人鄧國一作薛邦鄭子國一作薛邦原子亢廉子叔仲子晉公

西子與如邽子巽陳子亢棊子張步子叔蔡先儒

左邱子明公羊子高伏子勝孔子安國董子仲舒

王子通周子敦頤歐陽子修張子載程子頤胡子

瑗朱子薰呂子祖謙蔡子沈真子德秀薛子瑄王

子守仁陳子獻章胡子居仁自澹臺滅明宓不齊

而下皆稱先賢某子自穀梁赤左邱明而下皆稱

先儒某子

祭儀

春秋二仲月上丁日祭獻官散齋二日致齋一日
前一日演樂省牲祭日三更鼓祭事皆備鼓再嚴
樂舞生執事者各立丹墀左右鼓三嚴引贊引各
獻官廟門外立通贊唱樂舞生就位樂生各序立
於廟廷奏樂之所兩司節者分引舞生至丹墀東
西兩階各序立於舞佾之位兩司節者退至舞生
兩班之首持節相向立唱執事者司事陪祭官就
位分獻官就位獻官就位引贊引獻官至拜位引
贊退位唱瘞毛血執事者捧毛血正廟前中門出

四配十哲兩廡由左右門出逵於坎遂啓俎蓋唱
迎神樂奏祥和之曲麾生揚麾樂生擊祝樂作司
節舉節舞生執籥秉翟而舞叩首再三叩首興麾
生偃麾樂盡戛鼓司節伏節舞生罷舞唱奠帛行
初獻禮捧帛者捧帛執爵者執爵引贊引獻官詣
盥洗所酌水淨巾引詣酒罇所司罇者舉罇酌酒
執爵者捧帛者在獻官前行正廟帛爵由中門入
四配帛爵由左門入各於神案側立引贊引獻官
亦由左門入詣

主聖先師孔子神位前樂奏寧和之曲麾生揚麾樂生

擊祝樂作司節舉節舞生執籥秉翟而舞獻官跪

捧帛者西向跪進帛獻官獻帛授接帛者奠於神

位前案上執爵者西向跪進爵獻官獻爵授接爵

者奠於神位前叩首興詣讀祝位祝位在香案前引贊引

獻官至祝位麾生偃麾樂暫止讀祝者跪取祝文

退立於獻官左獻官并各官及讀祝者皆跪讀祝

文曰維某年歲次某某月某朔越幾日某官某等

敢昭告於

聖先師孔子曰維

師德配天地道貫古今刪述六經垂憲萬世惟茲仲春

秋

謹以牲帛醴齊粢盛庶品祗奉舊章式陳明薦以

復聖顏子宗聖曾子述聖子思子亞聖孟子配尚

饗叩首興庠生舉薦樂生接養未終之樂引贊引

獻官詣復聖顏子神位前跪捧帛者跪進帛於獻

官右獻官獻帛授接帛者奠於神位前樂上執爵

者跪進爵於獻官右獻官獻爵授接爵者奠於神

位前叩首興次詣宗聖曾子述聖子思子亞聖孟

子神位前儀同復。復位引贊引獻官至原拜位立通贊唱行分獻禮。各引贊引分獻會詣盥洗所酌水淨巾引詣酒罇所司罇者舉罇酌酒各引贊引分獻官至十哲兩廡神位前跪捧帛者跪進帛分獻官獻帛授接帛者奠於神位前執爵者跪進爵分獻官獻爵授接爵者奠於總案上執事者於各神前自奠一爵叩首興復位麾生偃麾樂盡。麾敵司節伏節舞生罷舞通贊唱行亞獻禮引贊引獻官詣酒罇所司罇者舉罇酌酒詣

光師孔子神位前樂奏安和之曲麾生揚麾樂生
擊祝樂作司節舉節舞生執籥秉翟而舞儀如初
獻四配十哲兩廡亞終二儀胥同初獻復位麾生
偃麾樂盡曷啟司節伏節舞生罷舞通贊唱行終
獻禮儀同初獻樂奏景和之曲樂作佾舞獻壽諸
儀畢復位麾生偃麾樂盡曷啟司節伏節舞生罷
舞通贊唱飲福受胙進福酒者捧爵進福胙者取
正壇羊左肩胙置於盤引贊引獻官詣飲福位跪
飲福位卽捧福酒者跪進酒於獻官右獻官受飲
讀祝位

以爵授接爵者捧福胙者跪進胙於獻官右獻官受胙以胙授接胙者由中門捧出叩首興復位叩首再叩首三叩首各官同唱徹饌樂奏宣和之曲樂生奏如前式執事者跪舉籩豆一器一舉而徹兩班司節分引舞生於殿東西相向序立不舞麾生偃麾樂盡變故唱辭神樂奏祥和之曲樂生奏如前式叩首再叩首三叩首各官同麾至偃麾樂暫止讀祝者捧祝奠帛者捧帛各詣瘞所正廟

由中門出四跪于殿兩廡帛山左右門出

麾生揚麾接奏前樂引贊引獻官分獻官陪祭官
至座所英文部九段焚訖麾生偃麾樂止復位通
贊唱禮畢

崇聖祠同日先祭無樂舞餘儀同

樂章

迎神

咸和之
曲無舞

大哉

孔聖道德尊崇維茲王化斯民是宗典祀有常精純並
隆神其象格於昭聖容

奠帛

寧和之
曲有舞

自生民來誰底其盛惟

師神明慶越前聖柔帛具成禮容斯稱黍稷非馨惟神

之聽

初獻

安和之
曲有舞

大哉

聖師實天生德作樂以崇時祀無斃清酌惟馨嘉牲孔

碩薦羞神明庶幾昭格

亞獻

景和之
曲有舞

百王宗師生民物軌瞻之洋洋神其寧止酌彼金
壘惟清且旨登獻惟三於嘻盛禮

終獻景和之曲同

徹饌宣和之曲無舞

犧象在前豆籩在列以享以薦既芬既潔禮成樂
備人和神悅祭期受福率遵無越

送神咸和之曲無舞

有嚴學宮四方來崇恪恭祀事威儀維維歆茲惟
馨神馭還復明禋斯畢咸膺百福

望瘞 祥和之曲同
送神無舞

樂器 雍正三年
新定

磨 金鐘 玉磬 鼓 搏拊 祝 敔

琴 瑟 排簫 笙 簫 笛 塤

舞器

節 羽 籥 干 戚

祭器

帛一 爵三 大牲一 羊一

豕一 大羹一 和羹二 黍稷一 魚

稻梁二簋 籩實八形鹽 藁魚 鹿脯 栗 豆實

八韭菹 醢醢 芹菹 菁菹 中八品 糗餅 白餅

粉饗 黑餅 豚脂 脾肝 施食 糝饗 羊一 豕一

四配各一壇

帛一 爵三 羊一 豕一

太羹一登 和羹二鉶 黍一簋 稷一簋

籩六鹿鹽 脯 栗 棗 豆六菁菹 鹿醢 芹菹 兔醢 藁魚 菱 菜魚 笋菹 魚醢

十哲東龕五位共一壇 西龕五位共一壇

帛一 爵五 豕一每位 和羹一鉶

簠一

簋一

簠四

鹽

栗

鹿脯 豆四

菁 兔醢

芹 鹿醢

兩廡東廡

賢五十三 儒一十四

位共一壇

西廡

賢二十九 儒一十九

位共一壇

帛一

爵一

豕一

簠一

簠一

籩

豆

啓聖祝文

維 公誕育聖嗣肇啓斯文至德源本帝範先聲

謹以剛鬣柔毛粢盛庶品式陳明薦以先賢顏氏

曾氏孔氏孟氏配尚饗

帛一

爵三

羊一

豕一

鉶二

籩八

豆八

簋二

簋二

東西配各帛一

各爵二

豕首三

豕肉四

鉶二

籩豆各四

簋簠每位各一

名宦祠祀

金參知政事前五臺縣令李公

華陽

曲縣令前五臺縣令周公

鼎

明夔州府知府前五

臺縣尉李公

昇

聖廟祀畢隨以牲醴致祭

鄉賢祠祀 金戶部侍郎張公 大節 京兆治中行

尚書六部事聶公 天驥 明四川按察司王公 源開

封府夏邑縣縣丞陞通判安公 瑄 陝西按察司僉

事姚公 一讓 永平府同知張公 蘊道 國朝贈奉政

大夫王公 之翰 交河德興永寧縣知縣閻公 士椿

聖廟事畢隨以牲醴致祭

鄉飲酒禮

律

鄉飲酒禮古有定式違者笞五十

告示

鄉飲酒禮非爲酒食原以尊高年重有德也爲臣
盡忠爲子盡孝長幼有序和睦鄉里惟此

大典無墜所生

三
二
一

三
二
一

三
二
一

揚解文

鄉飲酒禮載於禮記養老鉅典歷代咸稱惟我

聖皇鑒古立治念茲黃髮爲

國之瑞

恩賜秘馨虞庠用序道德文章忠孝節義觀瞻在茲矜
式是冀嘉禮攸行致潔揚解賢主嘉賓酬酢交致
藉茲酒醴用將敬意二三君子百爾執事共勳盛
典庶幾罔愧屆期主人先至明倫堂用帖請三賓
賓至各官俱接大門外禮生贊初讓賓主一揖賓

五三縣志 卷三
西主東而行至二門禮生贊再讓賓主一揖至堂
堦前禮生贊三讓賓主一揖至堂堦臺下賓西主
東拜

聖旨行三跪九叩首禮興禮生贊升堂賓西向東立主
東向西立禮生贊主拜賓頂頭行四拜禮禮生贊
賓酬主賓轉東立主轉西立頂頭行四拜禮畢禮
生贊賓主各復位賓轉西主轉東禮生贊司正官
揚觶禮生導引學正至

之前前跪進三爵禮生贊各官并執事人皆跪首貢讀

揚德文畢引學正復位此時行禮已畢禮生先讀
大賓就席位次請介賓就席位再次請耆賓就席
位禮生又請主及各官就席位主先在大賓前行
禮進爵學正在介賓前行禮進爵學副在耆賓前
行禮進爵各官亦各隨後拱讓三賓挨次在主前
及各官前酬禮進爵畢禮生贊賓主皆坐供講案
執事生員供講案禮生贊讀律齋長立席前讀律
又贊讀告示齋長立席前讀告示禮生贊執事皆
皆坐又贊鳴鐘鼓又贊進饌又贊飲酒又贊歌詩

歌詩生員歌鹿鳴之詩一章歌詩生員少退站立
又贊鳴鐘鼓又贊進饌又贊飲酒又贊歌詩生員
歌南山之詩一章少退站立又贊鳴鐘鼓又贊進
饌又贊飲酒又贊歌詩生員歌湛露之詩一章少
退站立禮生贊徹饌賓主散席禮生贊望

闕謝恩賓西主東俱向北對

天顏咫尺行三跪九叩首禮畢主送賓至大門外禮生
贊賓不顧矣禮成

鄉飲酒禮多年廢不行乾隆乙未歲教諭平梓奉

文復其禮迄丁酉十月朔凡三歲

社稷壇在城西北壇崇三尺廣八尺四階各三級
繚以垣神庫神厨宰牲房致祭所年久俱廢歲春
秋二仲以上戊日祭

風雲雷雨山川壇在縣東南壇崇三尺廣八尺四
階各三級繚以垣神庫神厨宰牲房俱廢歲春秋
二仲以上戊日祭

邑厲壇在社稷壇西制同社稷壇今廢祭以春清
明日秋七月十五日冬十月一日

天地閣在縣之中

關帝廟乾隆三十三年

初封忠義神武靈佑關聖大帝城內廟三一在縣治東

一在南甕城上一在城上西北隅五月十三日祀

月朔望行香

城隍廟在縣治西神初封顯佑伯洪武二年始立

神號每歲五月十七日士人結社以祀春秋二祭

祭於風雲雷雨山川壇每厲祭則王之題曰縣城

隍之神月朔望行香

龍王廟在城隍廟東每歲土人祈報致祭月朔望
行香

火神廟在縣治西月朔望行香

文昌祠在縣治東二月初三日致祭月朔望行香

土地祠在縣治東春秋二仲上戊日祭

奎星樓在南城上知縣董以威建

玉皇閣在北城上知縣陳恭創建

真武廟二一在西門甕城內一在北門甕城內三

月初三日祀

李將軍廟在西城下知縣吳琮建

文昌廟在縣西北峯山頂禱雨輒應乾隆四十年

教諭平梓重修

南神廟在縣南十里南神壩上相傳漢文帝爲代

王時獵於茲山人思其德立廟於其上每歲三月

三日土人結社以祀

奎星閣在縣東南十里許知縣梁需梓創建榜曰

陞官臺八月初三日土人結社以祀

后土廟在縣北里許相傳慮虜水漲惟神制之歲

三月十八日祀

青山聖母廟在縣西北十里七月二十八日祀

臺駘廟在紫羅山去縣西南八里或謂晉分野臺
邑屬參井之間實沉之次因立廟於是歲七月二
日祀然臺駘汾河神謂參神誤矣

藥王廟在縣西里許

趙文子廟在縣東北四十里每歲四月十五日鄉
人結社以祀

龍灣龍王廟在縣東北四十里禱雨靈應

碧霞元君廟在縣東北四十里

麟鳳寺龍王廟在縣東北數許

礦山龍神廟在縣東二十里

峯山龍神廟在縣西北二里

雷公殿在縣北十五里

風神大王廟在縣北三十里北齊武平元年創

坊表

金榜題名坊爲進士解濟立

忠節流芳坊爲拔察使王源立

羣英坊爲舉人智幾先王茂材楊夢弼姚一讓鄭國楨楊仰山立廢

恩光坊爲舉人鄭鑾立

顯揚坊爲舉人張彌綸立

進士坊爲王源立

折桂坊爲舉人王誠立廢

中翰坊爲進士胡偉光祿寺署正胡俊立

龍章寵錫坊爲張蘊道立

三郡循良坊爲閩士樟立

冰雪坊爲節婦劉壽貞立廢

恩榮坊爲節婦陳氏立

恩榮坊爲節婦師氏孫氏王氏立

四朝恩賜坊爲節婦楊氏立

鋪遞

總舖在天地閣前今圮

西村舖在縣南十里

東冶舖縣南三十里

河邊舖縣南四十五里

王村舖縣北十里

下庄舖縣北三十里

楊嶺舖縣北四十里

龍王堂舖縣北五十里

馬橋舖縣北六十里

石家灣舖縣北七十五里

崗上舖縣北一百里

鎮集

在城 以奇日集

東冶鎮 去城三十里二五八日集

大寶村鎮 去城四十里四七十日集

臺懷鎮 去城一百二十里三八日集

都甲

舊有十五曰在城曰城北曰城南曰天池曰泉

曰善文曰大安曰河濱曰本軍曰栢蘭曰大賢曰

天南曰福勝曰福寧曰天北順治十年知縣夏太

廷併爲九都曰在城曰城北一曰城北二曰河池

曰善泉曰安軍曰百天曰

置十甲

郵典

養濟院

在縣西城下知縣梁繼祖重建

十方院

在溝南村

漏澤園

在縣北唐家灣

義塚

在縣南二里鬼壑知縣梁繼祖置

寺觀

臺山諸寺詳山川志

廣濟寺

在縣治西元至正年建已就傾圮乾隆四
十三年知縣汪象澗重建

福田寺

在城北

大覺寺

在溝南村

九女山寺

在城東

金山寺

在縣西五十里

善文寺

在縣西四十里

寶峯寺

在縣東十五里東寨村

天池寺

在河池都

滿井寺

在天南都

石槽寺

在城東二十五里小賢村

娑婆寺

在縣東北五十五里麻岩山

林泉寺 在縣北五里林泉村

向陽寺 在縣北五十里水峪村

明陽寺 在縣西南八里紫羅山下元大德年建

廣陽寺 在桑泉山下

真陽寺 在店灣村

臺山佛利凡三百餘所茲僅記其前代所勅建者

他悉載清涼傳

顯通寺 古名大孚靈鷲寺漢明帝時騰蘭西至見此山乃文殊住處兼有佛舍利秦帝建寺

應以山形若天竺靈鷲寺依山名帝以始信佛化乃加大孚二字昭信也後魏孝文

帝再建環匝殿峯道十二院前有雜花園
故亦名華園寺唐太宗重修則天以新譯
華嚴經中載此山名改稱太華嚴寺明太
宗勅重建賜額大顯通寺

塔院寺

顯通之南五峯中有育王所置佛舍利及
文殊髮塔因以名殿中有轉輪藏藏經
永樂五年敕太監楊昇重修大塔始建寺
萬歷勅中使范江李友重建

圓照寺

在顯通寺左古稱普寧寺永樂初西僧室
利沙至詔入大善殿坐論稱旨封圓覺妙
應輔國光範大善國師賜金印旌幢遣送
臺山寫寺

文殊寺

即善薩頂真容院唐僧法雲自建殿堂擬
塑聖像有塑工妄生不名而來請言聖儀
容曰大聖德相我何能言相與舉禱求聖
一現七日忽雲中見文殊像遂塑成因名

廣宗寺

嵩峯南半麓正德初為民祈福遣中使葺

廣緣寺

鷲峯東古名大王寺根傳昔有王子粟山出家於此今久廢

壽寧寺

古名王子焚身寺北齊第三子自識宿命厭塵勞於此燃身供聖菩薩現形火光中勅建寺

鳳林寺

嘉靖間徹天和尙卓庵嘗有盜賊至見二虎據門賊乃革惡呼爲二虎禪師萬曆初改建寺額曰鳳林

金閣寺

在南臺西北嶺畔昔見金閣浮空因建寺

竹林寺

在中臺南三十里唐照悟入化竹林因創寺名焉

清涼寺

在中臺南四十里魏孝文帝所建今久廢

白頭庵

南臺東北十餘里昔有行者生而皓首神異頗多嘉靖間卓庵於此後不知所終今

久廢

龍泉寺

臺東南舊路嶺宋建嘉靖初羣盜縱橫往者憚之昔有大士者依廢寺遇賊即殺羣盜乃絕將卒以山門托燕京大智宗主山民翕然從化重修其寺後改名湧泉寺

婆婆寺

臺西南三十里北齊釋元頤卓庵於此誦華嚴有婦人携子數來聽經頤疑之婦曰我名婆婆乃龍母也聞法得悟將脫此累矣頤曰孰當信汝耶婦指龍池曰我若真悟無生者此深波湧成高阜言訖隨手成阜遂化去後人名其阜曰龍宮聖堆頤建寺因名婆婆

佛光寺

臺西南四十里魏文帝見佛光之瑞因名唐解脫和尚於此藏修以上前抄志所載

乾隆三十二年

行宮二處

臺懷 臺麓

座落十九處

菩薩頂 顯通寺 羅喉寺 壽寧寺

玉花池 大螺頂 碧山寺 般若寺

殊像寺 棲賢寺 鎮海寺 白雲寺

明月池 清涼石 千佛池 金燈寺

南臺頂 南山寺 湧泉寺

橋梁

弔橋 在縣西門外

風水橋

在縣西關外圈馬溝乾隆四十二年知縣王秉韜重修石橋

廣善橋

在溝南村乾隆四十二年知縣王秉韜建石橋

通濟橋

在孤嶼溝

白梁橋

在滹沱河上義民徐鴻鳴每歲冬架木板為之鴻故橋遂廢

善濟橋

在縣北十里淤泥溝乾隆四十二年知縣王秉韜倡捐與修

西巡橋

在臺山塔院寺前舊名巡檢司橋康熙二十二年得名西巡橋

村屯

古蹟古墓附

臺邑環列萬山其間土田稍平者爲四鄉村落廬

舍大者不過百餘家次則數十家三五家而已然

而烟火相望雞犬相聞生齒日繁固已富庶有象

矣縣城無東門出南門東去過慮虎河爲河東村

在高阜上有古龍神廟爲東郊迎春處再東則小

崗東崗及東寨村下則虎漢劉家庄等村出北門

里許爲古城村相傳爲臺州故址再北五里則林

泉村花木特饒細泉一脉貫村而流有古刹甘泉

寺前有四明亭前令朱國俊所建稍西爲峯山村

出南門里許爲溝南村再南五里則王家庄塔兒
村有古塔兩澗村南有鳳凰山兩澗相環南上則
皇圖壩爲漢文帝遊獵處東偏有孫家崗孫家庄
裴家溝村轉南度一山則白家庄窰頭村出生鐵
粗菱煤炭爲閭邑器用資由溝南村十方院過鬼
壑則觀上西村爲赴省之通衢也出西關二里爲
西庄村又五里過走馬嶺則高家庄三角南屏等
村西山下有天池寺舊天池都凡此數村或在平
原或負山郭皆環城而居處西鄉自河東村盤折

東上爲關嶺架山爲閣閣嶺眞武像旁有中州范
志完石刻五臺奇勝碑碣重簷飛甍常臥白雲或
謂清涼勝境之關鎖焉由此東下則南北大賢村
舊大賢都因村名也南去則甄家庄石嶺村再南
則茹村東北五里則蘇子坡傳爲子瞻遊臺憇此
村東有子瞻祠村後有爾朱侍郎墓莫詳世代西
南則甄家庄四山之水彙聚於此名水聚天心湛
然五里冬夏不涸蘆菰蒲菱遍滿澤畔鴻雁鷺鷥
喧啄唼呷之聲不絕令人有江湖之想入東峪由

蘇子坡北土莫姑嶺相傳爲楊業孫收女將莫姑
英處下嶺轉東五里有四村總名小賢過鄭家小
賢至蕭家河正東上坡三里爲滌陽嶺依嶺建刹
殿閣頗麗由蕭家河稍北至龍王堂轉北過野豬
窩灣子等村再上則漢嶺下嶺五里田家村稍南
下則小寶村村前清泉數處合流而南爲滌陽河
之源正北則寶村鎮乃一鄉交易之所相傳謂送
劉智遠子咬齋去邠州之寶老故居北則有李家
庄爲智遠妻李三娘故里出鎮北門三里則西營

村村西裴家崗東過我河爲東營循河北上五里
則閻家寨東望層巒翠靄一帶蒼松隱見樓臺者
古竹林寺也榆柳陰森路轉峯廻珠光欲露者佛
光寺也寺有後漢高祖陵又謂爲唐僧名智遠者
墓無碑其莫可考再北則席馬口李家庄葦地東
貴樓嘴頭等村更北里許有北嶽廟過大栢舖大
小栢至峩嶺則繁峙境也出鎮西門三里爲下會
村村正西則上下大石井灣大池數村西北五里
則水峪村有古刹向陽寺由坡脚折北則潘家峪

清泉細流穿村而出稍上爲范家庄稍南崦下長
松兩株茅屋數家爲白崖村西過智家村蒼莽一
山叢木成林山逕盤折而上五里至嶺際南望九
原城郭隱見烟雲間沱水灣環僅一縷耳下嶺爲
代州境矣出鎮南門東去三里過新庄從神崗崦
稍北則南道頭東去則維摩庄大峪口舊設巡司
一員今裁去有古塔再上則福勝等村舊有福勝
都再東入有王崖古寺許家庄灰嶺班老窰等村
從南道頭北去五里有古龍神廟名五臺寺寺

爲西坡村再北則北道頭東道頭長畛麻子崗等
村西崦內爲陀彌庄北上則東西會村寺溝村東
西柳院至福勝村入西北一谷則習馬塲西較村
東踰一嶺則村屏村曰家嶺南下則靈境堡子溝
等村由福勝村轉而東北入香域溝泉水潺湲荆
柳夾道多虎豹結伴而後行左崖赤壁有白書
字數十類古篆人莫之識盤山而入至西瓦廠村
則繁峙界由東瓦廠村上金閣嶺則入臺山矣從
南道頭南下則滹陽醬房村稍西渡河則龍灣寺

綠水帶前青山環抱堤柳春烟如織山松夏雪時
飛誠東鄉佳境也南則西峽村西則滹陽嶺東渡
河則東峽村村東北一徑入大夷溝過黃花嶺有
娑婆寺青松萬株爲縣學田東峽南則峽口楊家
庄溝濠店局等村兩山壁立河水迅流數村皆依
岩結茅而居由茹村而東爲東西天和村出煤炭
鐵礦再東去則出石盆口側轉西上攀蘿躡石僅
百步則石盆洞翠栢成陰殿宇數楹相傳文殊師
利始居之所洞幽深持炬以入約二里許截然中

斷下臨不測架二木以渡至此則風水聲甚急人無敢渡者由此入東北一谷爲上峪北山下則河口村澆陽清水於此合流焉再上則王家窰王家庄高洪口等村向設巡檢一員稍北渡河爲栢樹坡循河而上則耿家庄東來河水至此伏流再北則松岩村入峪四十五里至此稍寬其村後負三臺前對玉屏鑿石引流水入厠下殊多佳致沿河而進有常家灣上下門限石橫嶺闔家凹南屏村西渡河則石嘴村西去則黑蟆石金剛庫前後石

佛乾河白頭庵等村再西至黃土嘴北進則臺懷
鎮西南則郭家庄塔兒溝兒莊化橋等村石嘴北
上過紅崖則射虎川康熙二十二年春二月得名
旁有清泉湧出名神武泉工人因於亭傍築舍以
居近百家再北鐵舖村過盧家庄東上二里至長
城嶺則正定府界矣由石盆口南爲下峪東渡河
爲秋河村壁立萬仞嶂疊千層古栢蒼松時聞天
籟每令人低徊不忍去再南白版口有古栢高五
丈環三十圍若盤龍勢下則孤獨店環堵坪羣巒

叢峙一峯獨出雲表由此而下十餘村皆依岩臨
水大抵峪中形勢一水中流兩山夾岸水之灣環
因山之曲折數里中至渡河數十次五里下爲耿
家庄山上有池石形似蓮因名蓮花盆其下則教
場村馬鞭舖吳王城軍探溝相傳爲吳王屯兵於
此由東南上牛道嶺則孟縣界矣東北則栢蘭村
舊都名再東則陡寺村古利基邈偉然大觀入東
峪林木蒼翳有石崖出水半縣鐘名懸鐘堂由窰
溝南黑山坪至黑山嶺由沙崖至自石板過黑山

坪俱入平山界東峪口北有羅家呂家唐家等庄
入上峪界自石板北則土墻子五槍裏油盆寺
有龍池三處禱雨靈應由鷓子溝陡寺河府村入
孟縣界自教場南有南坡村羅胡李三庄卽石窟
躍魚處過坪上河門村則定襄界矣由縣之西村
而南入孤嶼溝二十里至東冶鎮西去三里槐陰
村爲董永槐陰離別處北山環抱沱水前縈時令
獨異諸鄉其地肥美泉岩河左出滋以灌溉一邑
之中厥田上上厥賦上中再西過要池村則崞縣

界鎮之東則五吉底村再東數村或南或北則有
石村張家庄蘇家庄劉家庄夾子灣等村出鎮南
門渡漣沱河則建安村漢孝子蔡順墓在焉村外
有潭名溫泉水性冬夏常溫獨產魚過大關十里
至河邊村產紫綠二色石堪爲硯又號文山紫燕
去來皆聚於此過此則定襄界矣自縣之西由南
屏村過谷泉山爲智家庄南下則南頭村善文村
陽白村有董永墓再南綠樹千重清流環繞稻田
數十頃爲王家庄郭家庄泉岩村舊有泉岩都稻

河而下則郭家寨郭氏居焉傳爲郭璞裔更南爲
南北大賢村由智家庄北上則上下紅彪舊志載
石磧村今無存矣再北則炭頭村寺家庄店頭村
堡子村八達村桑院村白堽村自此上西峩嶺有
太乙庄爲縣學田山田易蕪向三十餘頃今祇二
頃餘下有康家灣過此則代州境矣由智家庄西
上有上下金山村桑家寧夏上有小嶺陡峻磨天
羊腸曲道過此則崞縣境矣峯山爲閣縣祖龍北
上爲北鄉村後有九女泉稻田數頃溯虎流而上

則唐家灣寨裏前後崗馬村大小王村東西雷村

有雷公殿雷發聲率起於此禱雨靈應今殿圯矣

由西雷村稍西偏則稽頭口平溝掌再西則郝家

嶺孟家坪上下王泉庄由東雷村而東則東山底

下上蛇神村紅堂村師家庄北則圍城下庄上庄

羣峯拱秀一山前掩上建梵宇松林茂密宛若翠

屏清泉右瀉引以灌圃故其地蔬菜豐潔果實甘

繁也再北過長畛登羊嶺入代州境矣至於山巔

水涯一二村廬或不無遺漏然一邑四鄉之境大

署俱備是則財賦於是乎出風俗於是乎成忠孝
節烈文人學士於是乎生司土者富之教之俾禮
義仁讓之風油然而四達庶不負守土親民之義也
歟

縣東北吉祥溝朝陽寺有鐵羅漢一高丈餘大十
數圍傳聞從西方來五百羅漢赴玉花池一僧獨
後至抵朝陽寺日已晡問汲水婦玉花池路婦誑
曰距此不知幾千里汝雖鐵漢亦難到僧立化盡
蓋井口乃鐵羅漢也明宗藩朝臺爲建廟覆之勒

石以志至今玉花池五百中虛一座

佛光寺東北有古竹林樹木蔥蒼舊無殿宇昔有

南僧名古道在籍嘗夢至一寶刹額顏古竹林遂

遊名山遍訪之行至佛光寺僧歛茶古道將飲忽

盃中照見一刹景與夢符因問此間有古竹林寺

乎僧曰去此東北三里許有地名古竹林實無寺

院古道卽寄留衣鉢往視之見院宇更與夢符復

有僧歛留一宿次日辭歸取衣鉢寺僧已無一識

者述所以衆僧乃曰前輩傳言昔有南僧寄衣鉢

赴古竹林未回原物封置天花板上今約八十載
 矣覆視宛然取之則隨風碎去古道仍回其處一
 無所見乃嘆曰此神命我也當依所見建之爰募
 化興修建成今寺

劉智遠墓

漢五代君在縣東佛光寺

蔡順墓

漢孝子在縣南建安村

董永墓

漢孝子在縣西善泉都

楊慥墓

金尚書在縣西善泉都

張大節墓

金侍郎在縣紫羅山

張岩叟墓

金勿酒在縣西崇羅山

聶天驥墓

金尚書在縣南滹沱河上

齊麟墓

明侍郎在南關外

王源墓

明四川按察使在縣北

堡寨

摩天寨縣東北九十里峭壁插天高二十餘里上

平廣數頃樓榭洞屋畢備可以馳射嚴治己丑寇

據其上大兵圍數月不下寇遁去奉

旨平之去其房屋

曹寨縣南七十里峻峭拔起四面石壁沱水繞其
下順治己丑寇據之數月後出重賞募壯士數人
潛登之先軍中夜擊鼓以亂賊聽壯士乃鑿石下
鐵錐如猿狖攀援而上賊亂鼓聲不為備始破

元黃寨寶村鎮東山高峻可守

揚武寨縣東四十里勢險峻居民常借以備寇
栢寨石盆口東山己丑寇亦據之殺良民數百人
孤突店寨縣南四十里險峻可守不能容多人

孤髻寨縣南三十里

水月堂寨縣東北七十里上如覆甌下如壁立險峻可守有王氏罵寇跳崖處

三臺寨在摩天寨北

東冶堡

槐陰堡堡立崖上己丑寇據其中不下後掘地雷破之

竇村堡

東峽堡

高家庄堡

穡頭口堡

己丑爲寇據

建安堡

河邊堡

兩澗堡

泉岩堡

郭家寨堡

防兵

五臺縣東路營

防守把總一員馬兵五名步兵二十名東冶鎮馬
步兵七名探頭村步兵十名蛇神村步兵五名孤
突店步兵五名高洪口步兵二十五名耿家庄步
兵十五名陡寺村步兵二十五名教場村步兵十
名中庄村步兵十五名

康熙二年改設把總一員馬兵二名步兵一名守

兵六十九名

北樓路營寶村鎮

防守守備一員馬兵十五名步兵九十五名福勝村步兵十名峽口村步兵十名潘家峪步兵十名大栢村步兵十名

康熙五十二年改設把總一員馬兵三名步兵七名守兵三十名

北樓路營臺懷鎮

防守把總一員馬兵十二名步兵三十八名金閣

嶺步兵十五名北山寺步兵十名棲賢社步兵十
名

改設把總一員外委一員馬兵十二名步兵三十
八名守兵四十名

金剛庫

添設千總一員外委一員馬兵五名步兵二十三
名守兵六十一名

五臺縣志

卷之四

食貨志目錄

計六條

戶口丁徭


地畝田賦

水利

學田

賞資

物產



食貨志

且粒食開而百貨聚生養利用有自來矣顧大利
既興典制未備其何以經國而裕民今則野無曠
土人有餘閒倣九賦而國課有常設日中而奇淫
不事凡山川林藪之所生亦聽民取用而不之禁
焉林林總總之儔至忘

帝力於何有嗚呼盛矣志食貨

戶口

金

正德縣志 卷四
天輔年間主戶一千九百六十四戶客戶四百八十九戶

天輔年間主戶一十萬八百一十口客戶九千一百二十四口

元

建武年間主戶一千八百七十三戶客戶四百九十一戶

建武年間主戶一十二萬七百五口客戶八千六

百一十七口

明

洪武年開戶一千八百九十二戶內軍七百七十

二戶民一千七十二戶儒五戶僧七戶道一戶匠

二十四戶樂一十五戶

洪武年間口一萬四千八百三十口內男子九千

七百七十五口婦女五千五百五十口

國朝

戶口丁徭

前代分戶分口為二今遵經制全書戶口丁徭總計其成數

原額人一萬八千七百六十四丁該均徭銀三千

三百九十二兩五錢九分六釐

順治五年審編實行差人一萬二千二百七十四
丁於

順治八年二月內題奉

旨蠲免傷亡人四千三百二丁又於

順治十四年九月內題奉

旨蠲免逃亡人三千二百三十七丁實在其人六千二
百九十丁內除紳矜優免本身二百七十一丁外

實行差人六千一十九丁該均稱銀一千六十三

兩九分內撥補本縣支用不敷銀二十一兩六錢
辦買本色顏料加增銀二十六兩六錢一分

康熙六年審編復傷亡丁徭銀六十四兩一錢

康熙十一年審編增出銀二百四十五兩五錢

康熙十六年審編增出銀五十兩七錢

康熙二十五年審編增出銀六十五兩六錢

康熙三十年審編增出銀六十兩

康熙三十五年審編增出銀七兩六錢

康熙四十年審編增出銀三兩七錢

康熙四十五年審編增出銀一兩九錢

康熙五十年審編增出銀八錢

康熙五十二年欽奉

恩詔但據五十年審定丁冊定爲常額續生人丁永不
加賦

實在共人一萬二千五百九十一丁內除紳衿優
免本身三百六十一丁外實行差人一萬二千二
百三十丁內

中中則一百四丁每丁徵銀五錢

中下則八十九丁每丁徵銀四錢

下上則三百八十丁每丁徵銀三錢

下中則二千二百二十三丁每丁徵銀二錢

下下則九千四百三十四丁每丁徵銀一錢

以上共徵均徭并辦買本色顏料加增銀一千五百八十九兩六錢

順治十二年清出

土著新編人七百五十八丁內

下中則一百二十一丁每丁徵銀二錢

下下則六百三十七丁每丁徵銀一錢

以上共徵徭銀八十七兩九錢撥補本縣支用不敷徭銀

以上通共實行差人一萬二千九百八十八丁共徵均徭并辦買本色顏料加增共銀一千六百七十七兩五錢

更名屯共人一百四丁各編徭銀不等共徵徭銀十三兩三錢

雍正四年分

太原前衛振武衛歸併本縣屯丁三門四則共人
二百一十丁該徭銀六十九兩二錢三分九厘實
徭差人二百一十丁內

中下則二丁每丁徵銀七錢四分七厘

下上則六丁每丁徵銀六錢四分六厘

下中則五十二丁每丁徵銀四錢五分七厘

下下則七十丁每丁徵銀二錢九分八厘

以上共徵均徭銀一十九兩二錢七分三厘通共
實行差人二百一十丁共徵均徭銀六十九兩二

錢四分

以上民屯實行差共人一萬三千三百二丁共徵
均徭銀一千七百六十兩四分於乾隆二十三年
詳奉題

允全歸地糧徵收

田賦

元

地二千四十八頃五十四畝二分

夏秋稅糧共一萬二千九百六十五石二斗六升

九合二勺

夏稅五千三百五十五石一斗一升二合一勺

秋稅七千六百三十石五斗五升七合一勺

明

洪武初年官民平坡地共二千五十五頃六十六

畝三分

萬曆九年均丈定為五等地色共二千六百一十

七頃二十四畝六分二厘

上等地色三十三頃五畝五分八厘九毫四絲七

上等地色五十四頃二十七畝二分四厘六毫四

絲

中等地色八百八頃五十三畝四分八厘四絲九

毫

中次地色一千三百四十九頃六十八畝六分六

厘三毫五絲

下等地色三百七十三頃一十畝六分四厘一忽

二畝

夏秋糧共一萬三千七百四十四石二斗八升八合六勺

夏稅四千一百四石九斗七升二合六勺

秋稅九千六百三十九石三斗一升五合七勺條
鞭徵銀一萬二千二百七十九兩五錢九分九毫
四絲一忽三微馬草銀在內



絲絹一十二疋內本色一十疋折色二疋零絲一
十八兩二錢絲價銀一十七兩七錢四分一厘七
絲五忽

酒課銀一十四兩四錢閏加一兩二錢

商稅銀二十二兩四錢二分八厘

草一萬九千二百七十二束四分四厘八毫

國朝

原額民田共地二千六百一十七頃六十四畝六分三厘共徵夏秋糧一萬三千七百四十四石二斗八升八合三勺

順治十四年二月內山西巡撫白具題部覆奉

旨蠲免有主傷亡荒地一千一百一十頃八畝二分

厘七毫七絲七忽該豁糧五千九百五石四斗七
升五勺八抄二撮五圭實在熟地一千五百七頃
五十六畝三分六厘二毫二絲三忽共徵糧七千
八百三十八石八斗一升七合七勺一抄七撮五
圭

水地四頃五十三畝二分一毫七絲每畝徵糧八
升二合七勺五抄共糧三十七石五斗二合四勺
五抄二撮六圭

平地三百一十六頃六十四畝四分一厘三毫五

三十一
三十一
絲六忽每畝徵糧一斗二升共糧三千七百九十
九石七斗二升九合六勺二抄七撮二圭

坡地八百七十九頃七十四畝九分四厘二毫七
絲五忽每畝徵糧四升二合共糧三千六百九十
四石九斗四升七合五勺九抄五撮五圭

沙地三百六頃六十三畝八分四厘二絲二忽每
畝徵糧一升共糧三百六石六斗三升八合四勺
二撮二圭

乾隆元年收入繁峙縣改歸寄糧銀田坡地一

四十六畝八分九厘共徵折色糧七石三斗四升
四合五勺折銀七兩二錢七分六厘

屯田

太原右衛坐落本縣屯地一百九十頃四十二畝
八分共徵折色糧四百五十八石五斗六升五勺
折銀二百二十九兩二錢八分於順治九年十月
內巡按劉具題奉

旨蠲免荒地四十頃三十七畝該豁銀四十兩三錢七
分實在成熟坡地一百五十頃五畝八分每畝徵

糧二升五合一勺共折色糧三百七十七石八斗
二升五勺每石折銀五錢共銀一百八十八兩九
錢一分二毫

更名田成熟坡地一百四頃六十四畝九分每畝
徵糧銀二分四厘該銀一百五十二兩四錢五分
八厘

起解

本色起解戶部項下宣大更名田地畝隱漏等項
共銀六千七十五兩九分八厘內

宣府鎮銀六百三十兩八錢八分一厘

大同鎮銀一千五百八十五兩二錢四分四厘九毫

農桑銀一十九兩八錢八分五厘一毫

加增豐贍庫銀一錢三分八厘四毫

屯田折色銀一百八十八兩九錢一分二毫

更名屯田銀一百七十兩七錢三分七厘三毫

康熙六年審編增出屯丁銀三錢

康熙十六年審編增出屯丁銀九錢

地畝九厘銀六百二十九兩九錢九分七厘

審編復額傷亡丁徭銀九十兩四錢八分九厘

順治十四年起十八年止開墾過民田荒地糧銀
八百八兩七分六厘

順治十三年起至十五年止開墾過屯田荒地糧
銀三十兩

順治十五年起至十六年止開墾過更名田荒地
租銀三十六兩七錢一分

康熙元年起至二十四年止共開墾過民田荒地

糧銀六百三十一兩一錢八分八厘

康熙二、三兩年共開墾過屯田荒地糧銀一兩九錢

康熙二年起至十年止共開墾過更名田荒地
色租銀八十二兩九錢二分五厘

康熙十六年清出并續查出隱漏額內民田荒地
糧銀八百八兩七錢五分四厘

康熙十六年續查出隱漏額內更名田荒地折色
租糧銀九兩二錢三分

康熙十六年審編復傷亡人丁徭銀六十四兩一錢

康熙十一年審編增出徭銀二百四十五兩五錢
康熙三十三三十六兩年清出自首額內額外民
田荒地糧銀四十五兩四錢六分九厘

雍正六七八三年民人首墾額內民田荒地糧銀
三百七兩三錢四分六厘

雍正十十一兩年開墾更名田荒地租銀一十八

兩八錢三分一厘

雍正十一年兩年開墾屯田荒地糧銀八錢五分
九厘

乾隆二十四年民人首墾額外荒地糧銀七兩二
錢七厘

以上民田屯田更名田實在城熟地三千五百一
十七頃二十六畝三分八厘共徵

本色糧六百五十九石八斗五升七合三勺折色
并加增馬草絲絹租差共銀一萬九百三十九兩
六錢七分八厘

太原前衛振武衛歸併本縣

原併振武衛屯下地二十一頃三畝共徵本色豆
六十九石六斗五升三合

起解戶部地畝丁錢等銀六千六百一十三兩七
分一厘

禮部羊價藥味紙價等銀一十二兩二錢九分三
厘那價銀一錢九分八厘

工部柴夫木柴胖袄等項共銀二百九十九兩二

錢二分七厘那價銀一百二錢三分九厘

舊額存留項欸奉文節年裁扣并裁官經費等項
共解部銀一千七十二兩三錢一分七厘

以上共起解銀七千九百九十六兩九錢九厘內
除添設加增各項銀一百六十三兩九分二厘外
實起解銀七千八百三十三兩八錢一分七厘脚
價銀一兩四錢三分七厘

置買細絹銀一十兩七錢八分九厘七毫脚價銀
三分七厘

本色原額顏料銀四十五兩四錢四分九厘內

節次奉文改折核減併停解各項顏料共解部銀
四十五兩二分四厘

辦解丁字庫本色黃蠟二斤九兩七錢四分二厘
五毫每斤該定價銀一錢五分五厘共銀四錢四
厘脚價銀二分一厘

存留

本省額編兵餉銀三千七百三十九兩二錢七分
四厘

本色糧六百八十八石六升八合四勺

驛站銀二百兩五錢七分一厘三毫五絲奉文抵
解地丁正項

一額外共解部銀四十四兩四錢四分九厘

商稅銀二十二兩四錢三分五厘

匠價銀九兩九錢脚價銀一錢一分四厘

裁操賞酒課銀一十二兩

存留派解司府並本縣官俸衙役工食雜支照裁
定銀三百八十五兩八錢二厘

榆次太谷二縣撥補本縣不敷徭銀八百三十兩

五臺縣志 卷四
三
六錢六分六厘

共銀一千二百一十六兩四錢六分八厘

明

諸司俸廩米四百七石五斗

俸鈔二千九百七十四貫

春秋祭祀銀一百四十九兩二錢

鄉飲酒禮銀一十兩

歲貢盤費再歲給本學歲貢生銀六十五兩

孤老衣薪銀一十兩

國朝

知縣俸薪銀四十五兩

門子二名每名工食銀六兩

皂隸一十六名每名工食銀六兩

馬快手八名每名工食銀六兩

禁卒八名每名工食銀六兩

更夫五名每名工食銀六兩

轎夫四名每名工食銀六兩

傘扇夫三名每名工食銀六兩

庫子四名每名工食銀六兩

斗級四名每名工食銀六兩

民壯二十二名每名工食銀七兩二錢

捕役八名每名工食銀六兩

本縣典史俸銀三十一兩五錢二分

門子一名工食銀六兩

皂隸四名每名工食銀六兩

馬夫一名工食銀六兩

本縣儒學教諭俸銀四十兩

訓導俸銀四十兩

廩生二十名每名餼銀三兩二錢

齋夫三名每名工食銀六兩

膳夫五名每名工食銀六兩六錢六分六厘

門斗三名每名工食銀六兩

臺懷巡檢俸銀三十一兩五錢二分

皂隸二名每名工食銀六兩

弓兵十名每工食銀六兩

文廟春秋二季銀四十兩

關帝三代祭品銀二十兩

啓聖名宦鄉賢二祠祭祀銀一十二兩二錢八分

風雲雷雨山川社稷八蜡等坛廟祭祀銀二十四兩
雩禮壇祭品銀三兩

邑厲壇祭祀銀十二兩

朔望行香講書等銀五兩六錢

舖司兵二十一名每名工食銀五兩九錢五厘

孤老冬衣布花銀七兩五錢五分二厘

二年一辦起送赴考貢生酒席及考中正貢旗糧

花紅銀一十二兩每年銀六兩

三年一辦舉人牌坊銀二十一兩每年銀七兩

餞送舉人會試以三名爲率盤纏酒席銀四十五兩每年銀一十五兩

本府餞送舉人會試卷價酒席銀一兩六錢每年銀五錢三分三厘

鹽課

原額鹽課銀一百二十一兩七錢三分七厘

康熙二十四年鹽稅并紙張三百二兩五錢九分

三厘九毫八絲七忽五微

康熙二十五年除去二十九兩五分實解河東鹽
運司鹽稅銀二百七十三兩五錢四分三厘九毫
八絲七忽五微

乾隆三十一年鹽稅紙價共銀二百三十二兩八
錢七分三厘奉文攤入地糧徵收照現頒賦役全
書增定

水利

縣東

龍灣泉二池發源龍灣寺引渠三道漑營房東峽
村西峽村地臺山河發源北臺引渠五道漑上峪
松巖口上耿家庄河西河北高洪口村地

縣南

盧虎河發源縣北小王村引渠四道漑孤獨店下
耿家庄教場村羅家庄地

小營河發源縣西泉巖村引渠六道漑東冶鎮五
級村永安村槐陰村石村地

縣西

小營河繇河引西南河渠二道南北河渠三道漑
泉巖村郭家寨大興村地

以上諸渠因地畝定水規立夏日始以次引漑渠
長司之

舊志盧虎河在西北十五里先爲豪右所占天順
間知縣李華刻石以杜訟漑郭家寨大興槐陰東
冶等村名豐樂襄陽府推官智幾先記

東峪河源出移城村經孫家庄百蘭村漑田入河
門與滹沱合東鄉龍灣寺清泉瀉於澗下滋灌秔

補以上舊志缺載依省志補入之

學田

舊額原地五十九頃五十九畝每畝徵銀四厘共

徵租銀二十三兩八錢三分

一坐落西峩嶺內有喬松一帶計地三十五頃零

五畝租銀一十四兩二分今廢

順治十三年太乙山巔開地二頃四十九畝租銀

九錢九分六厘今存入奏銷

一坐落娑婆寺內有松林一帶計地二十四頃五

十四畝租銀九兩八錢一分今爲代州所并以上備載
縣綱冊

城西門外教場地東西地八畝今存儒學承種

西壇地四畝今存

明崇正十一年署五臺縣劉越蒞置溝南村地二十畝

麻峪庄山地一處租糧十石今存二石以上備載明倫堂碑記

察院廢基畝餘知縣王秉韜歸學易明倫堂爲書院娘娘壩荒山一處知縣王秉韜召民開墾租歸

學爲修

支廟費俟成熟田有確數另詳立案

賞賚

乾隆二年恩賞老民一百五十四名老婦三百七十二名

乾隆十七年

皇太后六十萬壽恩賞老民婦一百六十五名

乾隆二十七年

皇太后七十萬壽恩賞老民婦九十二名

菜豆屬

刀豆

紫蘿帶

京蓮豆

蚕豆

野菜屬

馬齒

茨薊

灰條

木耳

天花

穀石耳

地花

菜花

羊肚

銀盤

香蕈

金莖

黃花

紅花

果屬

杏

棗

桃

李

梨

棗

胡桃

榛

紅果

林檎

藥屬

黃芪 秦艽 玉瓜 木賊 蒼朮 赤白芍

木瓜 茯苓 猪苓 沙參 苦參 五味子

狼毒 紫草 知母 大黃 藜蘆 金櫻子

山查 麝香 款冬 甘草 防風 牛旁子

黃精 扁蓄 百合 黃苓 柴胡 地骨皮

升麻 前胡 芫花 大戟 薄荷 何首烏

澤蘭 龍骨 側柏 遠志 小草 柏子仁

水蓼 車前 稻梗 旋花 半夏 蒲公英

蒼耳 萱花 卷柏 瓦松 藁本 夏枯艸

艾 茵陳 麻黃 萎蕤 茯神 益母草

甘藷 牽牛 紫蘇 南星 貫仲 馬兜鈴

桑白皮 地膚子 馬薊子 蛇麻子

兔絲子 酸棗仁 小茴香 五靈脂

夜明砂 墓頭回 郁李仁

花屬

葵 菊 雞冠 粉團 石竹 胭粉花

玉簪 玫瑰 水紅 鳳仙 牡丹 十樣錦

捲丹 金蓮 夏菊 百枝 鉢囊 西域蓮

玉仙 亞芙蓉

草屬

葦 蒲 浮萍 冬青

異草有三

菁蕤 雞足 菩薩線

木屬

松 柏 桑 蔡 椿 槐

榆 桐 楊 楸 柳 樺

杆 燬 柴 黃蘆

石屬

紫硯石 紫英

毛屬

麝 虎 豹 鹿 狼 狸

羊 兔 狐 犐 麂 熊

豺 狼 豕 野豬 山羊

羽屬

雁 鵲 鳩 燕 黃鸝 雉

石雞 鷹 鵠 鵬 鷺 鷓鴣

鴨 雀 鶉 鵲 烏鴉 杜鵑

鷺 鴛鴦 家鷄 野雞 蔥烏 啄木鳥

虫屬

蝟 蜂 蚯蚓 螺 水蛭 斑猫

田螺 青蜓 蝶

器屬

鐵器 木器 瓦器 柳器 農器 沙器

雜用

炭

木炭

柴薪

石灰